

山深路僻行人少盡日幽巖聽啼鳥無客相陪皓月中有時獨
立青雲表雲表孤吟百邪遠天涯一覽羣山小調高風急韻悠
颺清絕步虛神縹緲憶昔重陽泛天角清吟欲序乾坤樸鈞拔
扶風人不知測量大海余先覺入神妙致應難辨出俗玄談非
所學返觀今日道崢嶸始得他年功卓犖首及東牟演仁孝未
能化俗開籠罩五會軒軒立五名宣海金蓮登州玉華萊州三
平等文登七寶福山三光
州衮衮崇三教出神人夢人驚駭擲蓋投冠予計較師居東海
乃猶龍馬入西秦還變豹丹陽峯道隆於棧右也大定己丑夏
四月余與丹陽等數人從重陽師自
文登如宣海時邁龍泉曰氣稱熾師命余等前已執傘在後距
半里許余忽回顧見傘騰空而起余急返走問之云搏扶搖而
上不知其然而然初傘起東北望之冉冉墜於沙間指其方而
覓之了無所也時余法眷翁陽子王公隱於東海隅之查山山
道藏輯要 礪溪集 又胃集三

逍遙吟

十洲三島兮巨海之中瓊樓絳闕兮參差半空松陰密鎖兮無
畏日執扇不搖兮有清風流金熱佩玉真仙未嘗說水晶宮殿
開寶座星辰列碧虛懸象透樓臺清淨化身非骨血本來身自
通神談笑忽驚天上人

自在吟

瑤臺閬苑兮碧漢之中祥雲瑞炁兮盈盈滿空羣仙出沒兮灑